



# Միսաք Մեծարեւնց

## Սիրերգ

Գիշերն անուշ է, գիշերն հեշտագի՛ն,  
Հաշիշով օծուն ու բալասանով.  
Լուսեղէն ճամբէն ես կ'անցնիմ գինով՝  
Գիշերն անուշ է, գիշերն հեշտագին...:

Համբոյրներ կու գան հովէն ու ծովէն,  
Համբոյր՝ լույսէն, որ չորս դիս կը ծաղկի,  
Այս գիշեր Տոն է հոգւոյս՝ Կիրակի՛,  
Համբոյրներ կու գան հովէն ու ծովէն :

Բայց լույսն իմ հոգւոյս քիչ քիչ կը մաշի՛,  
Շրթունքս են ծարավ միակ համբոյրին...:  
Ցնծագին գիշերն է լույս ու լուսին՝  
Բայց լույսն իմ հոգւոյս քիչ քիչ կը մաշի...: